



**Gemeinsam Äntwert vum Här Minister fir sozial Sécherheet a vun der Madamm
Gesondheetsministesch op d'parlamentaresch Fro n°7559 vum 7. Februar 2023 vum
honorablen Deputéierten Här Sven Clement iwwert d'Veerschreiwungsflicht vun der Anti-Baby
Pëll**

1) Wéi vill Verschreiwungen fir d'Anti-Baby-Pëll sinn an deene leschten 3 Jore etabléiert a vun der CNS
rembourséiert ginn?

Am Joer 2022 hunn 18 867 Fraen, déi bei der lëtzebuergescher Krankeversécherung versécherert sinn, vun engem Remboursement fir d'Anti-Baby-Pëll profitéiert (Tableau 1). Dëst betrëfft just Medikamenter, déi an enger Apdikot zu Lëtzebuerg verkaf a vun der Krankeversécherung rembourséiert goufen¹.

Tableau 1: Unzuel un Fraen, déi pro Joer vun engem Remboursement fir d'Anti-Baby-Pëll, déi zu Lëtzebuerg kaf gouf, profitéiert hunn

Joer	Unzuel un Fraen	Evolutioun
2020	21 710	-3,2%
2021	20 218	-6,9%
2022	18 867	-6,7%

Quell : Centre commun de la sécurité sociale, Berechnung IGSS.

2) Wéi vill Mol ass déi sougenannte Pëll duerno, an deene vergaangenen 3 Joren, hei am Land verkaaft
ginn?

Well d'“Pëll duerno” zu Lëtzebuerg rezeptfrei an de Apdikoten kaf ka ginn, ginn et leider keng Donnéeën iwwert dëse Verkaf an der Datebank vum Centre commun de la sécurité sociale.

Et besteet och d'Meiglegkeet déi sougenannte “Pëll duerno” an de Planning Familial sichen ze goen deen des Pëll gratis zur Verfügung stellt. Am Joer 2022 sinn esou zum Beispill 504 “Pëllen duerno” verdeelt ginn (Tableau 2).

¹Et ass ze notéieren, datt den Conseil de Gouvernement an senger Réunioun vum 20. Januar 2023 den *Avant-Projet de Règlement grand-ducal régissant la nomenclature des actes et services des médecins pris en charge par l'assurance maladie* gestëmmt huet, deen d'Mise en œuvre vum Préventiounsprogramm an den universalen Accès zu den Kontraceptiounsmesuren definéiert, wei d'Anti-Baby-Pëll zum Beispill.



Tableau 2: Unzuel un “Pëllen duerno”, déi pro Joer vum Planning Familial verdeelt gi sinn

Joer	Unzuel un Pëllen duerno
2020	519
2021	512
2022	504

Quell : Mouvement Luxembourgeois pour le Planning Familial et l'Education Sexuelle

3) An de leschte Joren ass donieft och eng Tendenz entstanen, dass ëmmer méi Fraen sech géint d'Notzung vun der Anti-Baby-Pëll entscheeden, well d'Pëll an de Verruf geroden ass, dass se laangfristëg zu Gesondheetsproblemer géif féieren. Nieft de kllassesche Verhütungsmethoden gräifen ëmmer méi Fraen op gratis Apps zeréck, mat deenen den Daq Eesprong geschätzt gëtt an mat där d'Fra hier Verhütung wëll organiséieren (contraception digitale). Dës gratis Apps bauen awer zum Deel op pseudo-wëssenschaftlechen Erkenntnissen op, sinn onpräzis a sammelen d'Donnéen vun den Notzer*innen fir kommerziell Zwecker of.

- Wéi ginn d'Fraen hei am Land iwwert d'Risiken vun dësen Apps opgekläert?
- Wéi eng Beméihungen gi vum Santésministère ënnerholl, fir d'Fraen iwwert d'Sécherheeten an d'Risiken vun der Anti-Baby-Pëll opzeklären?

De Gesondheetsministère ass net verantwortlech fir gratis Apps am Zesammenhang mat Gesondheetsfroen a feiert aus dësem Grond och keng Qualitätskontroll bei sou Apps duerch. Dës Apps funktionéieren meeschtens nom Prinzip vum engem Algorithmus an net op wëssenschaftlech beluechten Donnéeën.

An enger éischter Ligne probéiert de Gesondheetsministère, zesumme mat senger konventionéierter Partneren, d'Populatioun esou gutt wéi méiglech iwwert déi verschidde Contraceptionsmëttel duerch präventiv Programmer z'informéieren, ënner anerem duerch d'Aarbecht vum CESAS, dem Plan d'action national “santé affective et sexuelle” oder nach dem Internetsite www.macontraception.lu².

Wat spezifesch d'Anti-Baby-Pëll ugeet, beinhaltet dës, wéi all anert Medikament souwuel eng Notiz fir d'Patiente wéi och en Résumé des caractéristiques produit (RCP) fir d'Gesondheetsberuffer d.h. eng

² [Plan d'action national « sante affective et sexuelle » \(à partir de 2019\) - Portail Santé - Luxembourg \(public.lu\)](http://plan.action.national.sante.affective.et.sexuelle.lu)

<https://www.cesas.lu>

<https://macontraception.lu/>



Zesummeffaassung vun de Charakteristike vum Medikament. Dës zwee Dokumenter sinn déi primär Instrumenter fir Risikominiméierung fir all Medikament.

De Gesondheitsministère validéiert iwwert d'Division de la Pharmacie et des Médicaments (DPM) vun der Gesondheitsdirektioun den Inhalt vun dësen Dokumenter, an Zesummenaarbecht mat den anere Memberstaaten, sou datt den Inhalt kontinuéierlech mat den neiste klinesch bewisenen Donnéeën aktualiséiert gëtt. Déi genannten Dokumenter enthalen soumat all néideg Informatiounen fir eng optimal Benetzung vun der Anti-Baby-Pëll an informéieren och iwwer potenziell Nieweneffekter a Virsichtsmaassnahmen.

Zousätzlech dozou validéiert d'DPM och direkt Kommunikatiounen déi sech un d'Gesondheitsberuffer richten (Direct Communications to Healthcare Professionals – DHPC) am Kader vu Sensibiliséierungen op spezifesch Risiken. Verschidde Kommunikatiounen betreffen och Anti-Baby-Pëllen a sinn um Site www.sante.lu publizéiert.³

Doduerch datt d'Contraceptiounsmëttel wéi d'Pëll vun engem Dokter musse verschriwwe ginn, dréit och den Dokter seng Verantwortung fir d'Fraen iwwer déi verschidden eventuell Risikofactoren opzeklären an hinnen dat Contraceptiounsmëttel ze verschreiwe wat am beschte bei se passt.

Lëtzebuerg, den 7. Mäerz 2023

De Minister fir sozial Sécherheet

(s.) Claude Haagen

³ [Gestion des risques - Portail Santé - Luxembourg \(public.lu\)](http://public.lu)